





第一一六六册

四庫全書

●上海古籍出版社

本冊目次

江湖長翁集
附 燭湖集

宋陳造撰……………一
宋孫應時撰……………五二一

欽定四庫全書

集部
江湖長翁集
目錄
卷二

欽定四庫全書

集部四

江湖長翁集目錄

別集類三
宋

卷一

辭賦二十首

卷二

五言古詩七十七首

卷三

五言古詩八十八首

欽定四庫全書

江湖長翁集
目錄

卷四

五言古詩八十一首

卷五

五言古詩六十八首

卷六

五言古詩五十七首
附
四言四首

卷七

七言古詩五十首

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣龔輝遠

卷八

七言古詩四十九首

卷九

七言古詩四十七首

卷十

七言古詩四十二首

卷十一

五言律詩一百九十六首

附排律十首

欽定四庫全書

江州長翁集
目錄

二

卷十二

七言律詩一百零三首

卷十三

七言律詩八十三首

卷十四

七言律詩八十三首

卷十五

七言律詩九十八首

卷十六

七言律詩九十八首

卷十七

五六言絕句四十六首

卷十八

七言絕句二百五十二首

卷十九

七言絕句二百三十七首

欽定四庫全書

江州長翁集
目錄

三

卷二十

七言絕句二百二十首

卷二十一

記十九首

卷二十二

記十八首

卷二十三

序二十八首

卷二十四

書四首

卷二十五

書十首

卷二十六

書十七首

卷二十七

劄子三首

欽定四庫全書

江湖長翁集
目錄

卷二十八

劄子十一首

卷二十九

傳贊銘箴偈說共二十七首

卷三十

文四十八首

卷三十一

題跋五十七首

卷三十二

論九首

卷三十三

策問三十四首

卷三十四

易說十四首

卷三十五

誌狀十一首

欽定四庫全書

江湖長翁集
目錄

卷三十六

表牋六十四首

卷三十七

啟三十七首

卷三十八

啟三十三首

卷三十九

疏青詞九十四首

卷四十

致語上梁文二十六首

臣等謹案江湖長翁文集四十卷宋陳造撰
造字唐卿高郵人淳熙二年進士官至淮南
西路安撫司參議遭宋不競事多齟齬自以
為無補於世置之江湖乃宜遂號江湖長翁
造既不竟其用故事功不著於當時史亦不
為立傳元中屠駒為造作墓誌稱其於誨誘

欽定四庫全書

江湖長翁集
目錄

六

則良師於撫字則循吏身篤操修道兼體用
雖金石之文稱述類多溢量而當時未聞異
論則亦非純構虛詞也集中如罪言一篇專
論應敵備用之畧蓋仿杜牧而作所言雖未
必悉當而比於牧則不足比於陳亮劉過則
恢奇排界可以肩隨其他劄子諸篇亦多劄
切詳明不徒託之空言記序各體捶字鍊詞
稍覺有傷真氣而皆謹嚴有法綜其大要猶

欽定四庫全書

江湖長翁集
目錄

七

卷內云乾隆四十二年三月恭校上

為不失典型在南宋諸作者中亦鐵中錚錚
者矣至易說一卷始於无妄終於比凡十五
篇疑其未竟之書中多以史證經乃楊萬里
誠齋易說李光讀易詳說之流殆為時事而
發託之話經歟其集久無刻本明季之藻以
淮南自泰觀而後惟造有名於時始與觀集
同刻之於高郵其中青詞疏語諸篇均非文
章正軌今以集祇抄錄亦姑仍其舊附存於

總纂官臣紀昀臣陸錫熊臣孫士毅

總校官臣陸費墀

欽定四庫全書

江湖長翁集卷一

宋 陳造 撰

楚辭古賦

送龍辭三章

沈吟兮桂闥如蕭鳴兮逢逢其鼓緩吳歆兮踰越舞
送龍兮歸處龍之歸兮悅族翻倒霄霏兮膠輶霧雨
館娃兮不雷過胥口兮小頰水天模糊兮迷仰俯僂真
迺兮排空蛟鼉駢羅兮而在下祥颺爾兮綠輿非煙幕
欽定四庫全書

江湖長翁集

卷一

兮紫府翹僂望兮何所目屯雲兮南驚心靡迤兮延佇

其二

旱氛兮炎浮地毛焦兮金石為流龍不來兮殷憂心憚
徐兮孰謀戴僂目兮僂龍之遊龍翩然兮副求呵蜚雷
兮鞭潛虬忽墨雲之崩騰空漢兮黠黠昔夫昏晝擬甲
馬之喧空兮若飛練之淙溜夫豈不能瘡膚寸彌六幕
兮胡嗇其施於此州者吾僂龍所私兮匪新而舊安棲
飽茹兮龍之佑願龍兮千萬壽暨我子孫兮烝嘗春秋

其三

雷車轆兮電焱熹孽氛靜兮旱魃摧龍之來兮慰我思
翠其幢兮羽旗乘煥燿兮紛躡龍之去兮盍徐之蜚
雨兮一旦再室予居兮穀予饑者他州之檣樯兮匪龍
其吾曷依東阡北陌兮謳而嬉右湖左海兮夜不扉林
屋之洞兮蟠翠微瓊食兮貝宮雲墩兮玉妃奠龍居兮
無愧功成兮龍則歸送龍兮陳辭溪藻茨兮山有巖薇
餞吾歸兮幾時

欽定四庫全書

江湖長翁集

卷一

行春辭三首

白沙兮青莎徐予車兮坡陀黠屯雲兮閣雨沸後海兮
起波紛稚綠與小紅媚丰潤兮覲嘉聲禽鳥之啾啾偕
人語兮相和驚鷄蜚而跳犢兮儼倦憩之人家翫歲華
之俛仰兮復蹢躅而此過彼何人兮駢首爭指似兮笑
譁鏗有聲兮長謠疑其賡為予之歌

其二

訟譟兮糾紛榜櫓兮未全閑色不形兮意享每厚顏於

冀賢揖父兄兮使前尚笑語之怡然道菽粟兮卒歲審
里閭之相安食三鬴兮袴襦悼單枵於昔年我酒旨而
肴可茹兮屬饜兮共此梓觴一行而三謝兮起且坐而
誼繁歸目送而扶路兮予亦倦踞而假僧氈

其三

憑官曹兮縛虎擁簿領以昏憤竊逍遙於數刻償洩汨
於終歲倚僧垣睨鴻影兮滌胸塵而一快飯雲子而泛
乳兮引吟興之未沫吾西道之主人兮有老禪之晤對
欽定四庫全書

江湖長韻集

三

愈雙臚之月淨兮館授予而已再碩予姿之麇鹿兮合
巖栖而釣瀨悅泉石之入眼兮浩歸懷之自倍計三徑
之可具兮顧二頃之猶在明年其餞西歸兮將家漁舟
老牛背也

楚辭三章送郭教授趨朝

昔尚父之之國嘗寢甘而見譏懷與安其費日亦館人
之或知豈以抱當世之志而常後可為之時耶有美一
人兮居今而與古謀氣飄蕭兮好脩邑中之哲兮獨能

闔閭突於軻邱扈芷衡兮荃其佩橫驪珠兮匣于將而
未試雖未試吾何慊兮顧簪裳猶可隱蝸廬舉礪兮天
地儼其蓋軫一世緊望兮如蒼生何君何心兮山之阿
蚪甕社兮羞藻片無為此焉婆娑

其二

儒之宮兮千柱眈如我冠綺袂兮羣而趨食焉稻魚兮
隸焉詩書我侈其成兮繹其初誨掖之孔敏兮築興之
不徐債於昔煥於今兮繫百年其有待企三賢而相攸
欽定四庫全書

江湖長韻集

四

兮遺躅未沫匪若人之良茂兮吾將奚賴芹波搖日兮
槐陰轉午一塵不棲兮重廊邃宇執經前兮儀儀而訐
訐君顏舒舒兮而究而語有粹其文兮有覲其古風舞
雪兮步趨繩矩鄙人留眼兮夫也接前人之武人今翩
鴻兮與南翔雲氣蓬瀛分觀虛皇骨馥霑被兮淮之鄉
君之惠兮鄉之人不可忘

其三

爰有人兮嬰珊偪側耕耘寒暑兮圖史儒墨吟抱膝兮

山南水北佩明月兮冠切雲曳芙蓉兮敷芬冰其茹兮
蕙其薰之於世曾莫諒兮寢吾猶淮之漬塊予揆夫初
度兮磷競彊而為懦髮之新兮志偕而墮非金玉之人
兮孰振吾過有牽其復兮有倡其和完予獨而息黥兮
覲新功以自課一息悅三秋兮胡為去我而他之些君
行兮指日邊章陳兮君席為前揖風袂之翩翻壽君兮
綠樽貝宮靚深兮碧落寬陵天風兮整羽翰君無謂予
兮考槃有塵冠兮待彈

欽定四庫全書

江表書

五

問月樓賦

休予暇兮銷憂緣空閣兮躡飛浮小萬象以孤凌聊徙
倚兮茲樓主人敬客玉其禮而瑤舟忽霜月之飛來傍
欄角兮窺簾鉤媚客衣而不去疑即人而有求俯皓魄
以可攬宜致辭而見酬挈吾所疑舉其維陬曰厥分天
地則有此月乘空明鏡寥泐零沆瀣噴玉雪知廣袤兮
幾何曾珠宮而貝闕瑰僊予之幽獨儼重顧而紺髮是
耶非耶肇為此說藥白丹成兮孰所嚙茹桂枝漂香兮

何許根藥玉斧兮何用修妖暮兮胡此穴寒可禦兮何
術筋可昇兮似謫珠何賴兮壞成之異潮何待兮隆殺
之絕方中兮俄墜適圓兮復缺奚所恨而賴虧誰所役
而遽沒世同嘗此請究終始主人長笑避席而起酌酒
謂客毋泰多事萬古今明月短生兮客子彼高閣於起
滅此同圓於生死一歡乘興且用慰喜若夫南浦結恨
幽閨凝淚窮簷漏屋之瓊尾孰若茲樓之尺咫微之弦
暝之晦煙霏之陰愴風雨之披靡孰若晴霄之如洗偕
欽定四庫全書

江表書

六

良會於今夕嗟百年兮有幾底用計茫昧之傳聞研揣
恍於非是吾肴則豐吾酒甚旨姑可置興亡於度外冥
身世於一醉客曰避哉長喙大咤迭勸更酢挹瓶注壺
撫月姊於座隅啐桂影於瑤杯誦楚騷鎗吳歆信醉山
之欲頽啟明上寒鷄催羲馭駢車回冒軟紅之舊塵
悅市聲之隱雷

定觀賦

張君錫雱不利秋闈作賦見遺辭意奇壯作定觀賦答

之其辭曰

面頰之敷腴胸襟之恢疎譚辨之傾輸子張子眇眇高
蹈力雄萬夫我孥雋於南州閩風聲之於莢揆若人而
當價金華達山信其有餘固豈山澤之臞儒也哉胡乃
蘭陽王缺髮嫻雙雙黃金注而得昏美璞獻而遭刖撫
劓綬而三嘆駭霜蹄之一蹶方且寓喑鳴於雕蟲之技
陶性真於盃中之物陳子曉之曰事之宜然而或不然
者天之勝宜然而不得不不然者人之定洞視天人之表

欽定四庫全書

江湖長韻集
卷一

七

而不吾滑焉君子之善應鄉也覲然笑今也惘然悲蓋
未始得其正彼其搖搖於寵辱之樊皆於理聽之瑩乎
夫聖之逐忠之剖賢也而臞盜也而壽理好乖於所期
是固諉天者得以啟其口羿之射有撥其矢石之斤或
掣其肘然竟非拙工之敢偶蒲梢以一跌而棄夜光以
微類而培孰不市駿議寶者之咎以定觀之人之勝天
也久矣子其尊所有勉所無臚屬文藝之藪周旋道德
之塗吾見夫至寶橫道隨和過之必且攘取而疾趨則

夫債於前而振於後遺之寸而收之尺顧何歎歟彼託
意於酒者古人有之而或以蕩心而敗德聲其怨於文
者君子許之猶未足與語超然自得之徒羗吾言之率
爾子其繹之是邪非乎子張子作而謝之其貌舒舒其
氣愉愉若不知得喪欣戚之何如

聽雨賦

步前楹瞻列星間雨而陰晴雲河斜澹淡明悲惜於邑
退坐風櫺憂而倦倦而寐寐而驚進新涼響微雲下簷

欽定四庫全書

江湖長韻集
卷一

八

隙喧中庭策策而丁丁琅琅而玲玲非琴非筑金撞而
玉琤俄馬建之飢盆之傾懸麻澍澠雜流泉之洶駭亂
甲馬之騷轟喜躍蹶起呼兒暗聽時也燥枯悵焚自夏
而秋東驚西馳哀祈乞靈款龍漱叩神扁奠斯幣而刑
牲者蓋無虛日今始聆乎此聲苗悴悴而將槁悵此願
之莫憑脫如願也槁者已矣悴者庶其復榮今茲之雨
雖云後而尚及事坐想夫南視北西遠隴近平在谷滿
谷在坑滿坑自今以始呾澮之淺深溪澍之縱橫竄虹

兮萬斛之傾輸鏡澈兮千頃之泓渟映涼葉之朝翻涵嫩畦之夜青苞者擢擢秀者森森兮莫不引稚而抽萌懽感歎者生意之頻回奔驚踟躕者舞踊而經營洗極子之昔憂歎春臺之共登且得以殺吾顏之驛頰息勞慮之怛怛蓋去國積年者繫夢於鄉枵腹彌日者動喙於藜羹一旦陞堂皇揖父兄嘗稻粱餒侯鯖冀辛禱祠而不獲者不啻疇之渠此樂之易名而況匪輔胡車匪根曷莖凡吏之安否視戚休於下究其理民則重欽定四庫全書

江湖長翁集

九

後囚山賦

余子為房之獄官四十閱月代者乃來而以事留留非其罪房風主甚不宜入袖二賦見投時秋高矣有可憐者因作後囚山秋蟲二賦寬之且以自慰旅寓也柳先生蛻迹中朝落身南州即囚山而命賦寫胸次之

幽憂讀者哀之至今心為之悽惋而聲為之悲啾房陵斗州窮巖絕隘裂石廩之一罅瞰千室而斯在層峰疊嶂自蜀而東亘二千里此焉未沫嘗憑高而舒望取羣愁之一快拖碩蒼綠寒碧兮了不究其所屆騰陵勃怒崩轟閭沓植則困縈則帶矗焉如邪銳焉如鐵馳萬馬於曠莽翔羣龍於霏靄又似夫颶風之鑿萬艘翻濤瀾於渤澥天雲若可手擘而日月為之隔闕嗟予與子胡此焉仕按亦簿領庭亦卒吏居無以泰吾心而遊無以投吾趾時則誦柳先生之賦而知其有以也夫其猿顛鳥仆窮號懾墮真狴犴之可駭也出不易入不可出幽僻塊處荒僮癯民悍容而譁音日接乎前幾刻木之與對也嵐昏澗朝黯掩暄晦僵人骨而酸鼻亭午未已仡仡者病壯者廢也由漢暨唐王公貴人悖而罪劣可矜貸母此來之昧也自我解裝歲律甫遷向行止之坎流今匣咒而針氈嗟若余子盤礴四年局不得歸欲語復茹反諸已而靡愆袖長賦而見投慨今昔而潛然痛

欽定四庫全書

江湖長翁集

十

亂山之見囚束寸步而莫前牢愁幽憤招腸淪髓匪接
摺而踣頓不繼檻而椅止何高高之不仁而使我至於
此也蓋嘗繹子辭究諸理子之所以惻愴而自悼我之
所以感動而促戚者君子有弗是也彼漢唐之逐臣例
庸房之廢徙則亦千國之憲不容自己吾與子來其始
誰使非以其窮塗之絕援資身之無策博斗升以飽饑
而遁死如庸賈之走荒裔罷農之守境堵曾不暇計去
取於彼此也耶以吾校子又進退之異趨齒髮之懸殊
環索吾中稿涸而空無彼子柳子跼躪呂豪韓與徒
若韋中立吳武陵之桀然方且望塵躡影蔑齊其驅彼
其一且跼躪於嵌巖巖阻之幽深宜其號鳴悼惜不能
一朝以居子之朱愚質之朴疎才之卑迂萬非時須而
遽乃輦輦悼中悄焉慘焉以賊和而傷生夫何為乎訊
歸計於蟾蜍第圓缺之六七付古今於俛仰聽寒暑之
更迭雖浩劫之悠長尚激失之漂疾吾方左右圖史深
居簡出揖勝友於南山斟春色於九室壹不假犢背之

書超然乎繫維繫學之表非三花老仙孰其委悉子以
吾言為何如余子謝之曰沈憂滯懣吾已失矣

秋蟲賦

金颺之淒清鴈空之澄凝叢悽聚悲而為萬壑之秋聲
非鐵心而木腸疇能不悼其魄而動情況夫唧唧切切
更應迭和自宇而戶彼何物耶如私語如怨懣如益壘
之抽緒斷而復續專中宵而悲鳴有不聞爾信能令志
士之竊歎而思婦之涕零揆生世之幾時胡厯耳而女
聽子已冥蠻觸屏蜩蟻捐青錢市黃糯盪新芻命白墮
究三齊之妙而供百榼之課彼夫鷄窓之雕鏤螢囊之
吾伊等夜蟲之么麼

遠宜亭賦

創小亭名而賦之曰遊女之翩翹望之疑仙也迫而視
之或不逮前奏樂于座鏗鉉膠葛心之適耳之妍也有
不若張諸空曠聞之眇綿婉以清和而圓南山之信美
兮吾乃挹其杪顛惟夫近故湫束於闔堞蔽虧於市鄺

繫斯亭之表立峰岫隆嶺之嵐霏濃淡煙雲幻變按領
其全營斯名斯庸論時賢休暇日而一登是可以誦遠
遊賦超然也

志喜賦

五月十一日
代者途中作

出城陰而轉首緬散解之亭岩躡蹠影於康莊翳纖雲
於晴霄揭石瀨之泓渟隱鱗甲之搖搖盼山凹之室廬
紛語笑之耕樵山鳥哢兮嘲啞野芳嫵兮妖韶駢萬景
之橫前壹詩題之見檢我肅客而輟來胡意氣之囂囂

欽定四庫全書

江湖英華集

主

揆歸塗之此由矧灰期之匪遙從官牒之百舍寄十口
於萍漂寧簿領之憚煩而供饋之寂寥第松楸之繫懷
惜老鬚之日彫鬱還家之夙願中不火而每雉韋歲律
之再更驚此心而飛超忽合符之詮期慰跂望之無聊
秣吾馬兮脂牽挹阿丁而聯鑣亂清鏡於粉溪排擘絮
於山椒屈吾指兮寢久茲伊夕而匪朝躍脫檻之驚獸
快辭韞之皂鵬儼此樂之想像覺吟興之漂蕭歛憑軾
而坐寢夢已馳於外朝

淮海樓賦

帥相郭公即揚州南城為淮海樓偕客落成高郵陳造
在焉命之賦其辭曰

娛暇日以登覽兮若斯樓之巨麗瞻瞻影於空闊兮循
雕欄而徙倚目定眎而猶眩兮足佇立而踈猓樓浮靄
於朱甍兮遲羲馭於平楚來禽去鴈却略跼踖而振去
兮霧霏幕爽翁聿而在下陵迥漢而寥飛雲兮奮鵬舉
之垂天覲萬井而數計兮挹峰磴之橫前吳封楚甸間

欽定四庫全書

江湖英華集

古

列疊出而自獻兮納納未慙明霞斷煙野海門之塊峙
兮眇浮玉之一拳演江流之橫界兮衣帶之紆餘脩蟒
之蜿蜒曠莽恢大四向而無際兮蓮旌席而瞭然我遊
武昌載登南樓想元規之遺躅泊典午之清流緬懷仲
宣登樓有作顧臨眺之信美終回遑而靡樂孰知夫曠
千載而相望巨賢否之俄度惟汾陽公分君相憂功存
宗祧身臨邊陲屹控扼之巨防躬熙代之康侯靜鎮榆
塞創為茲樓將歷覽而俯省目所圍之備周深計遠圖

寧為觀遊彼擁扇而降塵每解顏而借蓋揮旌纛而少
彌肅賔僚之濟濟匪晉公之儀曹外郎陳思之程楊應
劉疇獲偕此玩面勢之隆崛瞰山川而顧指表桑麻中
覺宇揭舒畫軸兮對主賓之宴喜借胡牀於末席容霜
毛之客子儕氓屨而分惠殿羣英而薦醴浩逸興之漂
蕭豁幽懷而憑虛倚北戶以微睇儼桑粉之弊廬親色
笑於屏塵陪觴詠於晨鋪斬依劉之羈栖曾愴惻之不
無訂休戚於今昔詎劣優之錙銖夫此衆君子之所以
板援遇逢之厚幸顧餘慙之丐予者也美勝集之超然
寧飫宴之云計究樂事之攸寓後謫僊而鮮繼進牘命
賦合辭一喙泚吾筆而長吟颯天風之搖袂

波光亭賦為帥相郭公作

汾王後身金阜老僊笑譚功名師友簡編手神丹而活
國身長城之護邊虎節所臨懷佩已捐興仆振疊革古
所傳有亭屹立城闌右偏挿深池之清泚凌蒼靄而高
勢之孤危簷榮之躡連在公之設張經畫纔太倉

之稊米已度越於後前想旌纛之每臨宛笙鶴之雲輶
賓從嫖嫖笑歌嬋娟掃亡國之淫哇奏新唱之清妍泛
淑景之香紅鏡靚粧於明燭接罷亞於哇疇絃縞潔於
山川春秋冬夏信非我有而我按與之周旋佳月上兮
闌冰奩微風動兮媚漪連撫物而得之應世之心池月
之湛寂緯武有文風漪之自然推此用之躋世五三軼
勲四七將俯拾而需梅是猶衡氣機也耶世識之規恢
之後吾得之拱默之先彼不知者方以吾為億中而或
者必予其知言

延綠亭賦為高秀才作

子高子襟度脩然抱負崛奇辟俗如響而愛客如色故
築亭寄隱屹莽蒼而瞰渺瀾方竭澤而揚塵暗吾遊之
不時因援毫而進牘聊想像而敷辭爾其泓渟兮鏡揭
浩漭兮天垂妥寒晶之如空湛蔚藍之無涯奏蛙吹以
分部凜冰崖之合圍素揚暉兮連娟紅倒影兮芳菲目
謀心愜把玩四時晴雨晦明雲煙紛披江離芷蘅之綠

縛別崎枉渚之因依眩多景之偃蹇隱几者默焉袖手
領攬而無遺固可以動楚客之清吟抗陶觴而一揮汎
夫挺萬蓋之傾欹覆千戰之逶迤嫣然笑聚媚靚粧與
醉態或玉頰而冰肌無乃飛瓊姑射之姊如儔侶麗香
叢艷不招挽而陪隨彼翔碧於蘭苔點屬王於淪漪
皓鶴側頸於淖潭鵲鵲傾影於顰顰烏鵲窺簷而碎語
意而拂袂而差池則皆怡然莫逆相晤忘機者也至其
樵歌之斷續漁笛之嗚咽欵乃之無惡聲答簫之有安
欽定四庫全書

江表集

卷一

七

惟安堂賦

子鮑子為己之學經世之資投刃成風儒先吏師作為
新堂歸防暮遶惟安是名命陳子賦之陳子曰世有至
愉佚在已而非物士有真富貴非金紫之謂蓋是心也

欽定四庫全書

江表集

大

以道寧以物礪寧之存礪之喪孰能名仕版而志漁樵
之往還身官箴而思滄州之浩蕩等聲利於桁楊晚遠
廬於伯王慨然乎進為悠悠乎去歸羌卷舒之無心豈
出處之異岐翳鹿門之衰翁若方伯之子浼偕子耕而
妻耨寧燠寒而飽餒曰遺安之是計終長往而不悔彼
陶翁之不屈為無食而暫出賦歸來而投簪徑反關而
容膝審吾身之易安顧何賴於紳笏惟子鮑子超然高
驪仁宅之為居兮匪義塗吾無行玩名理以自怡兮謹
邊幅而為防鼓吹乎諷吟介甲子其溫良因時顯晦偕
道翱翔遂初可尋鷗盟不寒固優追元亮之高蹈懷寶
不迷中外無擇又不屑龐翁之退藏雲脫岫以陰合水
反壑而鏡清異屈子兮眾皆醉如徐公兮世無常夫何
往而不安顧眷眷于斯堂惟愿聘而轍環曹仲尼之暖
席當去齊而濡滯孟子庶幾於齊國矧火曠之肆虐仰
嗣聖之肝食死徙蓋幾何人而焦勞異乎生息子學
以撫時吾固知可以寧奔迸而植僵踣俾橫目之同安